

ՍՐԲԱԳՑՈՒՆԵՐԻ ՕԺՈՒՄԸ ԵՐԵՎԱՆ ԳԵՂԱՔԻ Ս. ՍԱՐԳԻՍ ԵԿԵՂԵՑՈՒՄ

Կան եկեղեցական որոշ տոներ, որոնց հանդեպ հայ հավատացյալ ժողովուրդը հատուկ վերաբերմունք ունի և ցանկանում է, որ ամենի հանդիսավորութեամբ ու շքեղով կատարվի այն: Ժողովրդականութիւնն վաղից աղաչիւի տոներէց մեկն է ս. Սարգիս զորավարի տոնը, որը մեծ հանդիսավորութեամբ տոնվեց այս տարի սուրբ Սարգիս եկեղեցում: Եկեղեցու միաբանութիւնը իր հավատացյալ աղոթավորներին վաղօրոք հայտարարել էր, որ փետրվարի 5-ին, ս. Սարգիս զորավարի տոնին, կատարվելու է մի շարք սրբապատկերների օծումը: Նշանակված օրը, վաղ առավոտից, եկեղեցին և եկեղեցու բակը լցված էր զաղաքում բնակվող և շրջաններից եկած հայ հավատացյալների խումն բաղմութեամբ:

Նախքան ս. պատարագը եկեղեցի ժամանեց Ամենայն Հայոց Հայրապետութեան Աղգնտիք Տեղակալ զերապատիւ Տ. Գեփորդ արքեպիսկոպոսը, որի ներկայութիւնը մեծ խանդավառութիւն առաջացրեց հավատացյալ բաղմութեան մեջ:

Տեր Տեղակալի գլխավորութեամբ հանդիսավոր պատարագին մասնակցում էին յոթ քահանայք:

Պատարագի վերջում Սրբազան Հայրը հանդես եկավ չափազանց ազդու և հուզիչ քարոզով. նա նշեց մեր եկեղեցական հայրերի հայ կուտուրային, հայ եկեղեցու դրոժին մատուցած ծառայութիւնը: Նա հատկապես կանգ առավ եկեղեցական այն հայրերի գործունեութեան վրա, որոնց պատկերներն օծվելու էին, ինչպիսին են՝ Փրկչի 12 Առաքյալները, ս. Գրիգոր լուսավորիչը, Թարգմանիչներ ս. Սահակն ու ս. Մեսրոպը, ս. Ներսես Շնորհալի Հայրապետը և ս. Սարգիս զորավարը:

Ամսի 5-ի ս. Սարգիս զորավարի տոնը, իր արտակարգ հանդիսավորութեամբ, եկեղեցական մեծ տոն հանդիսացավ և հոգեկան մեծ մխիթարութիւն ու հաճույք պատճառեց ներկա եղող հավատացյալներին:

Եկեղեցու դպիթը բաղմութիւնից դատարկվեց ուշ երեկոյան:

Տաճատ ավ. քահանա Տ.ՎԱՐԴԱՆԵԱՆ